

ما فيش حد في البيت غيرى . آخر ما غلبت اترجيت غفبر الدرک انه  
بيقى دايمًا موالينى . فات على كده حسبة ثلاثة أشهر وأنا مايفوتنيش  
جواب واحد . كنت الأول أضمن حاجات كثيرة ، لكن بعدين فهمت  
من الجوابات تاريخ البلت دى من أوله لآخره ، لكن من هي ؟  
ماعرفتهاش أبداً ولاشفتهاش . كنت خايف لو لحت لأم أحمد تكون  
مرة بنت حنت ، تفقسنى وتودينى في داوية مرة ملعب مش مساهل .  
ااشممت من هنا وهنا عرفت أنها تدخل كل بيوت البلد تقريباً . ازاي  
أعرف ؟ مش ممكن . بقيت أبص للبنات اللي ماشين . كلهم الطرحة  
على وشهم ، منفوفين في ملايات سودا ، مصبوغة منيلة تخرخش زى  
الورق . يمشو لازقين في الحيطه زى اللي راح يدخلوا فيها . ما تلمحش  
وش واحدة منهم . بين فيهم تكون جميلة . حاجه تيجن . كل  
واحدة أشوفها أحسن أن قلبي يتنفض ، مش يمكن تكون هي ؟  
كل اللي عرفته كان على أم أحمد . كل ما استفهم الاى ناس  
كثير يعرفوها ويحكولى عنها . ولما فهمت السبب في إن جوابات خليل  
تيجى عليها ، عرفت المسألة من أولها لآخرها .